

中國邊疆叢書第二輯

謝 啓 昆 監 修

廣 西 通 志

(一六)

文海出版社印行

廣西通志卷二百三十五

勝蹟略六 署宅四

柳州府

馬平縣

分守道舊署在府學東街 金志

分司署今為右江道署 同上

同知推官照磨檢校倉大使五廢署 郝志 皆在府治

基址無考 縣冊

司獄廢署在府門西 縣冊

馬平縣舊治在府治東洪武四年縣丞唐叔達建

郝志

新興巡檢廢署在縣南五十里

金志

雷塘驛廢署在東門外

郝志

穿山驛廢署在縣南八十里

同上

柳州衛指揮使鎮撫司衛經歷司三廢署

郝志

皆在

府治基址無考

縣志

柑子堂在府城西唐柳宗元於城西隅種黃柑樹

有手種黃柑二百株春來新葉徧城隅一詩

金志

陶弼柑子堂詩子厚才名甲有唐謫官分得荔枝鄉羅池水盡黃柑死獨有空碑在畫堂乾隆

十九年知府孟端建亭於羅池之上易名曰柑香

府志

明秀堂在郡治宋王安中書匾石刻甚富

方輿勝覽

羅池館在城東羅池旁明景泰三年建金志

將臺在城北舊傳宋狄青征儂智高時所築同上

鎮粵樓在北門外明嘉靖閒總督張岳平馬平猺

築柳北郭建樓名鎮粵後人即以祀襄惠公於其

上駱日升有記刻石金志萬歷時知府梅綿祚重修

鎮粵臺縣志梅綿祚重修記略余初奉命守柳

抵任時遍覽形勝天馬聳峙於前江山環遶若帶

不覺欣然喜動眉宇閒與紳士輩相接揖讓譚論

皆斌斌實有其文因歎曰輿圖之艷稱其足徵也

夫雖然此一山川也前者科名鼎盛治績炳赫代

不乏賢而今視昔若少遜倘樂山遠而且卑形家

所謂主不勝賓者乎詢之知中丞張襄惠公會以
平寨之餘餉造外城又於天馬之正脉建鎮粵樓
為屏障蓋精察地理力補天工是以名公碩彥濟
濟輩出勲庸爛焉然始如此其茂盛而後稍浸微
也則以歲久跡湮棟宇漸以摧折而當事者不加

修葺以至圯壞而無遺故人才亦落落如晨星嗚呼盛衰相關實同形影可勝道哉於是紳士聚族而謀咸量力輸助余亦微捐俸資於以鳩工而共臻厥成今且儼然肯構矣余惟人才之生也關於地運之盛衰者最靈而關於修葺之興廢者尤靈意其閒必有文章事業卓絕寰區應地運而為名臣者行將旦暮遇之而實於今日預卜之也謝少南與康盤峯少參登鎮粵樓詩龍城北郭起層臺上有高樓四望開千嶂雲銷簷外出雙江雨過霧中來猿人墟遠連烟火逐客祠深半草萊慷慨與君臨此地一憑風檻罷傳杯

待蘇樓在府治後宋州守許新申建取杜甫詩春

生南國瘴氣待北風蘇為名一統志宋許新申

觀者必策杖躡嶠嬰勃峯胸中無廟堂而有邱壑者然後足以盡山水之樂若夫役徒御盛輿服以勢臨之則雲霞亦將偃蹇隨去而不與我較矣此朝廷之士所以與山林相反者如此龍城山水之秀多在水南而州治在水北其宦者雖有登臨之興而限於大江非輿與舟楫不能以至焉其閒

治簿書決刑獄興來而為俗物之所敗者多矣此
古人所以有仙山不屬分符客之歎也予為州之
明年民事稍簡每欲寓自江山以暇日迺於州
城之上得飛宇焉鑿垣以通之為戶北向是左
北諸山雜然並出煩跬步可見於几席之上
臨翠阜右盼石壁夏柳侯祠直其東天慶觀直其
西古木森然短椽繚繞綵雲書舒淡烟曉留清風
時興毒霧冰釋登而觀之無不動心滌慮矣因橋
其額曰待蘇蓋取杜少陵之詩也夫炎荒之地温
寒不時一乘其度則五疾間作藥無良工有不
而死者矣幸而不可死豈非冥飛廉之功乎若乃
饑寒迫於身勞苦見於外則人之所以待蘇者又
不特瘡癘而已也余才識薄效用故不能以及
遠姑樂是之雅淡簡古不煩與舟楫之勞而得
山水之勝也於之瘴兮有美登而飲而歌曰北
風之涼兮吾民之瘴兮有美登而飲而歌曰北
使我憫

南樓在郡治摹刻張安國鄂州木榜文

方輿勝覽

東亭在府城南唐元和中柳宗元建

柳宗元志柳州唐

東亭記出州西南門左行二十有六步有棄地在

道南直江傾亞缺地豕得以為園蛇得以為草木

人莫能居至是始命披荆蠲疏樹以竹箭出松檉桂

檜空拒江化為湖衆山橫環上泐閣當邑居

之劇而忘乎人閒斯亦奇矣乃取館之北宇右闕

北關之以為陰室作屋於北墉之下以為陽室作斯

亭於中以爲中室朝室以文居之夕室以朝居之

風焉若無寒暑也則朝夕復其號既成作石於中

室書以告後之人庶勿壞元和號既成作石於中

十二年九月某日柳宗元記
錦秋亭唐柳子厚建在府署內久廢明太守譚元
方重建亭旁蒔花草擅一署之勝後再圯乾隆十
三年知府成貴重建志府
雲錦亭在朝京門外宋關庚建志金

三相亭在駕鶴山麓金志宋王安中建炎中避地於

郡與吳少宰折樞密遊得郡人熊氏園植桃數百

本號曰小桃源方輿勝覽宋趙師逸三相亭碑

百年紹興初三石丞相暫駐於水南僧寺間居暇日

相與遊訪石林石佳處因觀嵩石屏立上有空洞數

處遂創茅亭二所曰駕鶴書院曰三相亭時攜筇

挈榼觀書論詩終日不倦因此遂成勝迹題曰小

桃源歲月既深二亭名存耳況其所以郡計其乃熊氏之地

自是厥後來守此邦者各以郡計其所以郡計其乃熊氏之地

名賢古迹予到官十月因城治修葺了畢訪水南

名迹遂訪尋焉初寮小摩崖石刻得僧談及小桃源

石刻乃借教官二幕及僉廳觀之相與商訂欲仍

舊貫作茅亭僉曰宜之途仍初制亭成招商訂欲仍

款其得山水佳趣自此公餘暇日時一至也時嘉

春日題

羅池亭在羅池上宋守朱軌建刻柳宗元像於其

中後遷郡龍江復鑿池建亭新廟之左

金志

思柳亭在縣東半里

一統志 宋陶弼詩羅池刺史寡塵緣畫戟牆頭策望仙

黃鶴與誰同一夫 碧桃無主又千年

秀野亭在北門外明成化間參將歐磐建

金志

雜容縣

雜容縣舊署在舊縣明洪武六年建成化六年修

正德十五年燬嘉靖三年監察御史汪淵重建萬

歷三年遷今治建署今改爲倉廩

金志

雜容廢馬驛在縣東北今廢

同上

柳城縣

潭中亭在縣南關外

金志

融縣

察院分司廢署在縣治西

金志

五箴堂在縣西融水廢縣久廢

輿地紀勝

五箴堂在郡

治其東爲坐嘯堂又廉靜堂在郡治有荔子清蔭

可人又清輝樓在子城上又有飛躍亭舊爲祝聖

之所

一統志

鴻音樓在真仙巖今圯

府志

餘清閣宋紹定閒建在壽溪旁

玉華閣在玉華洞前宋政和閒建久廢崖壁勒云

前建閣南望田畝以爲勸農之所與民同樂餘字

磨滅不可識

俱同上

會一閣在真仙巖旁

一統志

宋僧知性建寶慶二年

融州參軍唐麟記有詩久廢

縣志

望仙閣在城內前揖真仙巖故名

縣志

真仙巖亭在真仙巖內又名鮑公亭宋守鮑粹然

建侍讀直院尙書易祓有賦

詳金石略

明萬歷閒知縣

陳繼志李濟重建邑人王法有記立石康熙三十

七年知縣梁廷桂建額曰景餘亭

清越亭在真仙巖圮

歲寒軒在真仙巖圮

俱同上

將臺在城西門外宋清遠軍節度使岳飛建今舊

基尙存

金志

月臺在真仙巖北縣志

風雲臺在靈巖絕頂

祖師臺在獨秀山俱同上

象州

分司廢署在州左郝志

右江道行署明萬歷中改建為吏目署金志

象州舊署在西門內偏近城垣年久頽圯遷東門

內

吏目署向在舊州署東明改建于右江道署址久

廢俱同上

坐嘯堂據詩載增宋孫觀題象守坐嘯堂詩治國如烹無馭民如牧羊薰狐廬自焚投鼠

器必傷曹侯百世師獄市寄全齊天下本無事庸
人勿擾之危機蹈潛弩惡吏冠唬虎飛走豈不高
搖足隨網罟使君古太邱目中無全牛班春千騎
曉長嘯萬壑秋棠陰日轉午風簷翠蛟舞問道舍
蓋公誦詩選何武渭水占熊羆萬里
咎羌夷試磨南山石更草中興碑

扶疎堂在城外東南街土人謝氏建竹木深遂王

右丞孫尚書寓此壁閒有舊題

方輿勝覽

率齋郡守陳太和建孫覲記

宋孫覲率齋記左朝散郎象州太守陳公

容德以率名齋隨所寓書榜揭之坐右以朝夕從
事於率者余謫居象臺容德大度長者不以羈囚
見遇余心安焉一日過余言曰象臺在嶺南去京
也敢請公文以記吾之率余曰象臺在嶺南去京
師六七千里孤城巋然出於黃茆白葦之中異時
置守多南海間人習夷居之陋一切草創官寺民
廬城郭道巷與夫左右使令用器之物無一可人
意者容德以文學知名編更內外學官之選而辱
居於此無畱滯戚嗟不遇之歎下車未幾燕聚
疵順民之欲築二橋於州治之東以便往來聚土

伐木橫亘兩溪之間爲屋覆其上宏麗堅壯可支
十世而最爾之國將爲嶺右名邦矣容德爲政如
此豈真率者乎然天資簡亢不立崖岸遇人無貴
賤戚疎輒輸寫肺腑聽訟如家人使各盡其說無
不厭滿而去客至飲酒賦詩飯脫粟羹藜藿隨所
有無豐儉不常歡不足而適有餘茲行而所以爲
懼也嗚呼末俗忌諱益繁士大夫喘喘焉不敢施
語視所居如傳舍也視吾民之休戚如秦人越人
之肥瘠也視國家之緩急如塗中之鳧全吾軀而
也隨波上下汎汎然如水中之魚全吾軀而巳豈
吾容德之所謂率者乎容德治率齋不擇地無常
處無誅茅薙草之勤無塗墍丹漆之節無吹竹彈
絲之娛泉石聽之樂也出而從政則約已便民
檢身律物凡所操舍問三尺如何而不自已出退
事一室則茫洋乎不知寒暑之交晦明之接與鳥
獸爲羣與木石爲偶與天爲徒與造物爲友流
坎止若不繫之舟此始莊周御寇之所爲邪世
之君子當爲此不得爲彼於是併記之以風吾
黨之士云容德莆田人諱大和容德其字也

瑤光樓在西城上俯瞰溪山景物勝絕今爲西峯

樓

俱同上

拱辰樓在州城北門上

金志

一覽亭在州治東南隅離城二里久圯

府志

超然亭在隔江二里許西山寺旁遺址尙存

敬一亭在學宮東明萬歷十三年知縣李淮岳建

今圯

休休亭在東崗嶺下明總兵孟宗文建遺址尙存

象仁亭在城西門外乾隆六年署知州張坊建

俱同上

瑞蓮亭在澤街方池中

金志

象臺在州南三十里平地突起巋然一臺蓋古之

州治也方輿勝覽

謝園在州南門外宋進士謝洪謝澤兄弟立內有

扶疎堂寒光亭竹木深邃蔚有佳致王安中孫覲

南遷嘗寓此一統志

來賓縣

分司廢署在城西金志

來賓縣舊署唐乾封二年建在城內西南隅

在城驛廢署在城西二里

守禦所廢署在城南隅碑尚在上俱同上

慶遠府

宜山縣

分司廢署在今府署左志

慶遠府軍治慶遠文載增宋權知宜州軍州張琮

府君至於趙侯凡更代者四十有七自紹興庚申

至多時世之不同凡立石相仍而三歷年之久閱人

攝其大槪言之宜為慶遠軍節度未暇詳考悉數守文

武通選焉處羣宜為慶遠軍節度未暇詳考悉數守文

障省地責任不輕賦入無幾鹽運開關財計兵力

皆不逮昔苗徭錯居情偽滋甚為郡守者亦憂

乎其難廣右自督府外二十四郡人語入宜則搖

手退避若將浼焉雖然威嚴之迭施區畫舊

變之有道亦曰得擬附羣賢後而碑承乏於此左支

慶遠舊府署在舊城西北明洪武二年通判王毅

建明季毀